


VSCHINAUNCHA DA S-CHANF



LEDSCHA D'IMPOSTAS

da la vschinauncha da S-chanf

Il president cumünel


R. R. Campell

Il chanzlist


C. Planta Wildenberg

Ledscha d'impostas da la vschinauncha da S-chanf

I. Disposiziuns generelas

Art. 1

1. La vschinauncha da S-chanf inchascha seguond las disposiziuns dal dret chantunel seguintas impostas:

Object da la
ledscha

- I. Ün'imposta sün l'entreda e sün la faculted
- II. Ün'imposta sün guadagn fundiaris
- III. Ün'imposta supplementera ed ün'imposta penela scu eir multas disciplinaras
- IV. Ün'imposta da müdamaun
- V. Ün'imposta fundiaria
- VI. Ün'imposta sün iertas e donaziuns

2. Impü vegnan inchedas taxas, impostas e multas seguond reglamaints speciels.

- a. Ün'imposta da chauns
- b. Üna taxa pels giasts u üna taxa d'allogi
- c. Üna taxa per promover il turissem
- d. Üna taxa da trafic public

Art. 2

1. Inua cha quista ledscha nu dispuona otramain, vegnan applichedas scu dret cumünel las correspundentas prescripziuns materielas e fuormelas dal dret chantunel.

Dret da sub-
sidier

II. Dret materiel

A. Impostas

Art. 3

1. Las impostas sün l'entreda e sün la faculted vegnan inchaschedas in pertschients da l'imposta chantunela simpla.

I. Imposta sün l'entreda e sün la faculted

2. Il pè d'impostas per l'an seguaint vain fixo minch'an da la radunanza cumünela sün proposta dal cussagl cumünel in occasiun da la deliberaziun dal büdschet, fin il pü tard in december.

Art. 4

VI. Imposta da müdamaun

L'imposta da müdamaun importa 2 pertschients.

Art. 5

V. Imposta fundiaria

L'imposta fundiaria importa 2 promils.

Art. 9

1. L'imposta sün iertas e donaziuns importa:

- | | |
|---|-----|
| a) per il tschep da famiglia dals genituors | 5% |
| b) per las ulteriuras personas benefizidas | 15% |

III. Dret fuormel

1. Autoriteds

Art. 11

Cussagl cumünel

Il cussagl cumünel decida:

- a) davart dumandas da schligerimaint fiscal
- b) davart la partecipaziun e convegnas da dret reciproc dal chantun in chosas d'impostas sün l'ierta e sün donaziuns

Art. 12

1. L'execuziun da quista ledscha es chosa da l'uffizi d'impostas cumünel, per quaunt cha la vschinauncha es cumpetenta per que. Uffizi d'im-
postas
cumünel
2. L'uffizi d'impostas cumünel es impü cumpetent per l'execuziun da las incumbenzas cha la ledscha d'impostas chantunela ho surdo a las vschinaunchas.
3. La vschinauncha po deleger a terzas persunas sias incumbenzas tenor las alineas 1 e 2.

2. Inchasch

Art. 13

1. Las impostas sün las entredas e sün la faculted scadan-cun la consegna dal quint provisoric u da la decisiun da taxaziun Scadenza
2. La scadenza da l'imposta sün immobiglias as drizza tenor las impostas directas, sch'ella vain inchascheda insembel cun quellas.
3. La scadenza da l'imposta sül guadagn our da la vendita d'immobiglias scu eir l'imposta sün l'ierta e sün l'imposta da donaziuns as drizza tenor l'uorden chantunel.
4. Las ulteriuras impostas scu eir multas disciplinaras scadan cun la facturaziun.
5. A la fin da l'oblig da pagar impostas in Svizra u a chaschun da la declaraziun da concuors scada mincha imposta u mincha multa immediatamaing.

Art. 14

- 
1. Las impostas e las multas disciplinaras staun cun resalva a l'alinea 2 gnir pajedas infra 90 dis zieva il cumanzamaint da la scadenza. Termin da
pajamaint
 2. Il termin da scadenza da l'imposta sül guadagn our da la vendita d'immobiglias scu eir l'imposta sün l'ierta e sün l'imposta da donaziuns as drizza tenor il dret chantunel.
 3. L'imposta sün immobiglias chi vain inchascheda separedamaing stu gnir pajeda infra 30 dis zieva cha la scadenza ho cumanzo.
 4. Per las impostas sün las entredas e sülla faculted scu eir per l'imposta sün immobiglias chi vain inchascheda insembel cun quellas po il cussagl

cumünel prevzair il pajamaint in duos ratas düraunt l'an chi segua l'an fiscal.

5.A la fin da l'oblig da pajer impostas in Svizra u a chaschun da la declaraziun da concuors stu mincha imposta u multa gnir pajeda immediatamaing.

Art. 15

Davart las dumandas da relasch e davart las amortisaziuns administrativas decida il cussagl cumünel.

Relasch
d'impostas

3. Indemnisiun

Art. 16

La vschinauncha da S-chanf vain indemniseda da las baselgias chantunelas e da las corporaziuns cun 2% da las impostas chi vegnan inchaschedas.

Indemnisa-ziun


4. Disposiziuns finelas

Art. 17

1.Quista ledscha d'impostas rimplazza la ledscha d'impostas dals 01.01.2009. Ella es gnida accepteda da la suprastanza cumünela dals 09-12-2020 ed aintra in vigur retroactiv ils 1. schner 2021.

2.Cun l'entreda in vigur da quista ledscha sun abolidas tuot las disposiziuns d'oters uordens chi staun in cuntradiciun cun quella.

Vschinauncha S-chanf


Il president:
Riet Rudolf Campell




L'actuar:
Carlo Planta Wildenberg

Approvo da la Regenza dal chantun Grischun tenor decret dals 4.5.21, nr. 403/2021

In nom da la Regenza

Il president:
Dr. Mario Cavigelli





Il chancelier:
Lic. Iur. Daniel Spadin

